



Tir Yimym

www.tirymym.in

Regd. No. RNI. NAGAAO/ 2004 / 13113. Postal-NE/RN-717.

e-mail : tirymym@gmail.com

TAPAK 3

Yangia anidakangma :



Tir Yimym



tir_yimym



tir yimym

TAPAK 8

Russia-India nati rongsenketzung
tsütsü amalitepa inyaksü

Lionel Messi indang GOAT India Tour
mapang Minerva Academy tushitsü



VOL. XXIII ISSUE NO. 60 (ADOK 60)

DIMAPUR

KÜPTOKNÜ (SATURDAY)

LUCHII (DECEMBER) 06, 2025

₹ 5.00

Hornbill Festival nung Cultural Show agiogo

Dimapur, December 5, 2025 (TYO): 26 buba Hornbill Festival 2025 anogo pungububunung Naga Heritage Village, Kisama nung sobaliba sentong kanga junga agiogo.

Iba sentong atema host ji Minority Affairs and Sericulture Advisor Imkongmar liasü aser Lt. General Vikas Lakhera, AVSM, SM, Director General Assam Rifles, Suneel Sachdeva, Director NFSSA & BP, Ministry of Food & Public Distribution nunger aden.

Tanü Cultural Show nung Khiamniungan Cultural Troupe-i Khaozaosie Hok-Ah-Tsui, Chang Cultural Troupe-i special folk dance, Kachari Cultural Troupe-i Bwisagu aser Chakhesang Cultural Troupe-i Kharuso Su ia sayu.

The Garo Cultural Troupe performed Dim Dim Chong, a folk dance celebrated during the post-harvest season of the Garos. The Ao Cultural Troupe presented Nuknurar Yar, the

traditional Admirer's Dance, once a highlight for young boys and girls expressing affection through graceful steps, songs, and playful exchanges.

Maneni, Angami Cultural Troupe-i Omapfu, Garo Cultural Troupe-i Dim Dim Chong, Ao Cultural Troupe-i Nuknurar Yar, Yimkhiung Cultural Troupe-i Tanji Nüt Khün aser Zeliang Cultural Troupe-i Chareng Lin ai.

Tikhir Cultural Troupe-i Mulong Lai Khin, Sumi Cultural Troupe-i Thipugho Gha/Tsusughu Kumsu, Sangtam Cultural Troupe-i Akoh Khi (Song of Victory), Phom Cultural Troupe-i Sham Lipo aser Pochury Cultural Troupe-i Aho Süro Wanü ia sayu.

Tatensa Rengma Cultural Troupe-i Phünsen Lyu, Lotha Cultural Troupe-i Chume Mhee Chum Chum, Kuki Cultural Troupe-i Lamkol Lam aser Konyak Cultural Troupe-i Eak Me Gon-Bih ia sentong tembanga liasü.

Linoka K Achumi-i Miss Nagaland 2025 takok korang angu



Mokokchung 2025 Bendangienla Longshir-i tanabuba aser Miss Dimapur 2025 Christina H Yeptho-i tasembuba takok korangtem nguteta liasü. Bendangienla nem Rs 1 lakh den gift hampers aser Christina nem Rs 70,000 den gift hampers agütsü.

Osang angazükba agi Miss Nagaland aser 1st runner-up naprong Miss Northeast 2025 asoshi direct entry asütsü.

Taküm tetendangertemji EAST founder & NIFT Delhi graduate Easternlight Zimik, Atomy Enterprise Pvt Ltd MD & CEO Dr Abraham Lee, Miss Kohima 2017, Miss Nagaland first runner-up 2017, Femina Miss Nagaland 2018 & Miss Universe India 2024 fourth runner-up Ruopfuzhano Whiso, Miss Nagaland 2019 & Miss Kohima second runner-up; Vikuonuo Sachü aser Retired district programme officer & BASN member (1995-2016) Talisangla Nokdir nunger liasü.

Miss Nagaland 2025 sub-titles angurtem:

- * **Miss Perfect 10** : Omai Rebecca Konyak
- * **Miss Multimedia** : Linoka K Achumi
- * **Miss Beautiful Smile** : Grace Kikon
- * **Miss Talent** : Linoka Yepthomi
- * **Miss Photogenic** : Susana Kinghen
- * **Queen of Hearts** : Christina H Yeptho

Ministry of DoNER ajanga Nagaland nung Rs 646.39 crore mapatong inyaker

Dimapur, December 5, 2025 (TYO): Union Minister of Communications and DoNER, Jyotiraditya M. Scindia-i December 5, 2025 nü department balala nung Rs 646.39 crore alang mapatongtem lapoktsüogo.

Power, School Education, aser PWD (R&B) department tem kübok pai mapatong 5 lapoktsü.

Power Department kübok Nagarjan, Dimapur nung 132 kV sub-station tajungba küma lapoktsüogo. Iba mapatong nung Rs 24.46 crore endok aser iba ajanga power transformation capacity tajungba akümtsü.

Scindia-isa School Education Department kübok mapatong ana- In-Service Teachers Training-cum-Examination Centre residential facilities lapoktsü aser school 190 nung IT infrastructure mapa tenzüksüogo.

In-Service Teachers Training-cum-Examination Centre ya Rs 20 crore aser IT infrastructure ya Rs 18.95 crore endoka lapoktsüogo.

PWD (R&B) department kübok tongtipang lenmang ana-Chendang Saddle-Noklak Road aser Tsusangra nungi Impur Junction lapoktsü. Chendang Saddle-Noklak Road nung 45.59 crore aser Tsusangra nungi Impur Junction AT road nung Rs 93.98 crore endoka liasü.

Maneni, paisa Health & Family Welfare, Youth Resources & Sports, IT & Communication, Power, aser PWD (R&B)

department tem kübok mapatong 11 tasen yanglutsü atema lung azüngja liasü.

Health & Family Welfare kübok Rs 58.72 crore endoka Chümoukedima nung Multi-speciality Hospital ka aser Peren District Headquarters nung Rs 44.65 crore endoka 50-bedded hospital ka yanglutsü lung azüngtsü.

Youth Resources & Sports department kübok Rs 72.59 crore endoka IG Stadium complex nung Kohima Multi-disciplinary Sports Centre yanglutsü.

IT & Communication department kübok Rs 19.57 crore endoka Nagaland Innovation Hub for Startups lapoktsü aser iba ajanga entrepreneurship aser digital innovation ajungkettsü.

Union Minister Scindia-isa Power Department kübok Rs 22.80 crore endoka 1.5 MW Dzuna Small Hydro Project yanglutsü atema lung azünga yutsüogo.

PWD (R&B) department kübok Rs 225 crore endoka lenmang 7 yanglutsü atema lung azüngtsü. Gari lenmangtem nung Jalukie nungi New DC Complex Township, Chalkot Junction adena Old Peren, Phomching HQ nungi Longding HQ, Thizama nungi Chiethu Airport, Khonoma nungi NH-29, aser Coco Road Emlomi nungi Ghukiye Junction dena lir.

Union Minister, Jyotiraditya M. Scindia-i anogo ananü tashi

Nagaland nung amungdang tebui 1992 nung Nagaland semdangba bilemetetba indang ashi.

"Nagaland nung alirtemi kanga pelashishia aser mulungsoa agizükba atema pelar. Tesüiba ghonda 36 tashi arua amungdang Northeast nung state ti tenzükba ya temoatsü ka ama züngshir" ta pai ashi.

Northeast ya tatembangba frontier masü saka India nung mezüngbuba frontier lir aser iba ajanga Southeast Asia den kishi lapoker, ta Scindia-isa metetdaksü.

Prime Minister Narendra Modi lenisüba kübok terenlok jenti aliba ajanga Northeast nung tesüiba mapang airport 9 aliba nungi 17 kümogo aser weekly air traffic movements 900 nungi 2,000 tema kümogo, ta Union Minister Scindia-isa ashi.

Northeast nung Union ministries 52 ajanga Rs 6.02 lakh crore tashi endokogo aser Nagaland indang tax devolution Rs 5,505 crore nungi Rs 37,000 crore kümogo. Ano grant-in-aid anasü agi teimba Rs 65,000 crore kümogo ta paisa metetdaksü.

"Ni Nagaland den maneni Dimapur-Kohima-Kisama-Dzükou tourism circuit atema inyaksü. Iba ajanga Meghalaya aser Tripura nung tawa lapokba circuit tem den adentsü. Naga Coffee takok anguba atema tenüngsang agütsür aser global brand ka kümdaktsüba nung yariteptsü" ta Scindia-isa metetdaksü.

Union Minister Scindia-i Hornbill stone-pulling nung shilem agi

Kohima, December 5, 2025 (TYO): Union Minister of Communications and DoNER Jyotiraditya M. Scindia-i Tuophema yimtsüng nung Angami Naga stone-pulling ceremony nung shilem agiogo.

Tanü Scindia-i Angami nunger sobotsü agi aser par jabaso den külemi iba sentong nung shilem agia liasü.

Iba mapang Chief Minister Neiphiu Rio, Deputy Chief Minister ana- Y Patton aser T R Zeliang aser Tuophema o parnok den adianu yimtsüngtem Chakhesang, Rengma o Sumi nunger meyrirjang aikati lung atsüdak shilem agia liasü.

Iba sentong ya 26 buba Hornbill Festival nung shilem ka ama ayonga agiogo.

Angami Naga nunger atema lung atsüba ya kanga temeshi mapa ka ama züngshir. Lungji 30 tonnes taret liasü aser tasazükji feet 22 talang, feet 4 metong aser feet 2.7 tulu liasü.

"Iba ya Tuophema nunger atema dang masü saka Nagaland aser linük ajungalen alirtem atema tongtipang anogo ka lir" ta Scindia-i ashi.

Iba anogo ya sobaliba agi asüngba anogo ka, India ajungalen alirtem asoshi tepela anogo ka lir ta paisa ashi.

Iba lung atsüba ya shi nung inyakba mapa ka dang masü saka temang, tekolok, temulungjang aser tanüla ajak adenba mapa ka lir ta Scindia-isa metetdaksü.

Iba sentong agiba sülen Minister Jyotiraditya M. Scindia-i Tuophema yimtsüng ajunga sema senzü aser connectivity, infrastructure, o public services akangshitsü atema development package ka sangdong.

Paisa Rs 202 crore endoka yangluba mapatongtem sayatsü aser Rs 443 crore endoka mapatong 11 yanglutsü indang lung azünga yutsü. Mapatong balala ya healthcare, sports, innovation, energy, aser gari lenmang yanglutsüba lir.

"Prime Minister Narendra Modi-i Northeast nung temelenshi adoktsü mangdang lir. Act East Policy ajanga Northeast nung terenlok mapa inyaker aser iba ajanga infrastructure, healthcare, innovation, aser lanur ajanga tejakleni anir aoer" ta Scindia-isa ashi.

Chief Minister Neiphiu Rio den amalitepa mapatong aika inyaksü ta paisa shisem.

"DoNER Ministry kübok tejakleni aruba atema tenüngsang agütsür. NESIDS-OTRI, NESIDS-Roads, aser PM-DevINE amala scheme ajanga lenmang, apu, water supply, healthcare, education, aser digital infrastructure tajungba kümogo" ta Chief Minister Neiphiu Rio-i ashi.

Item maparen ajanga rongsenketzung tsütsü maongkatem bentsür arur, lanurtem tashi itdaksür aser yimtsüngtem nunga connectivity tashi itdaksüogo ta pai ashi.

"Union Minister ajanga sectoral development atema High-Level Task Forces (HLTFs) tentetba atema tenüngsang agütsür. Nagaland nung coffee sector kanga junga kümogo aser global markets tashi export asür" ta Rio-i metetdaksü.

State sorkari mapang shitak nung mapatongtem inyaksü, tenük yoktsü aser DoNER den amalitepa Nagaland aser Northeast ajungalen terenlok bener arutsü merangsü ta paisa ashi.

Ongpangkong Mungdang-i IMDH, Mokokchung semdang



Mokokchung, Dec. 5 (TYO) : Ongpangkong Mungdang (OM) tir, Alemtoshi Imsong aser Tongti Zülur, Tiawabang Wallingi anir tanü 5th Dec, 2025 nü Dr. Imkongliba Memorial District Hospital (IMDH), Mokokchung semdanga yangji Medical Superintendent, Dr. Ademla Tinu den lar tongti ketdangsürtem den mensem tajung ka menogo.

IMDH ya Ongpangkong litsü nung lir aser iba mozüki yagi Mokokchung district sanger dang masü saka anüdoklen alir (eastern Nagaland) district nüburtem nem service tajung agütsüba asoshi pelar, ta OM tir, Alemtoshi-i metetdaksü. IMDH nung doctor & nurse-temi anir mapa inyaktertem aser nüngdakba kol aser osettsüset abensa-a/peria meliaka ketdangsürtemi kanga junga aser timi anepaluba asoshi pelaba lemsatep.

Nagaland nung IMDH ya mozüki tejentiba rongnung ka lir. Iba mozüki tajungba akümtsü asoshi OM-ia akokba maparen ajak nung amalitepa yariteptsü mulunga lir, ta paisa shisem.

IMDH mozüki atema aria bilema semdangba asoshi asoshi pelar, ta IMDH M.S, Dr. Adem-i OM ketdangsürtem dang metetdaksü. Laisa mozüki nung doctor/nurse-i anir mapa inyaktertem kwi lir aser mozüki koda anepalua aor, kol/ osettsüset kechisa lir, inyakyim balala indang lemsatepa liasü.

Department balala nung doctor, nurse, technician aser staff peria meliaka akokba tashi ketdang süa arutar, ta lai ashi. Dermatologist dak alaka department ajak shitak otar, saka tang IMDH nung gynecologist ka dang aliba agi mayimjemer, anungji, ano ka kangasa nüngdaker, ta laisa shisem. Tang ya Anesthesia doctor 2 aser Medicine doctor 2 lir, iba dak alaka tanga department ajak nung doctor kaka dang lir, ta laisa shisem.

Nurse-jia nübu apara, saka tang school of nursing nung training agirtemi yaritepba ajanga tapok mapar, saka School of Nursing ya College of Nursing jenjangi ajungketer asünung, joko akhi ama training agir nurse-tem to malitsü, anungji, tang aliba nurse yagi meperitsü, ta lai ashi. Technician-tem peria meliaka IMDH bangdaki lenmang balala nungi atepteper anepalua arutar, saka tang lab nung microbiologist kabo kangasa nüngdaker, ta pathologist Dr. Apong-i metetdaksü.

Patient aika reprangbaji tongtibangba masü, saka nisung telemtet dang süaka parnokji kanga junga anepalutsü tangatetba nung shirangertemji repranga arutar, ta Dr. Kilangi metetdaksü.

Doctor apara asünungji, emergency inyakba tasüngjibo Outpatient Treatment (OPT) mereprangteter aser iba den

ano operation agiba anogo nunga OPT mereprangteter. Iba den Doctor-tem leave/study leave agidanga OPT junga mementettsüsa akümer, anungji, nüburtemi itemji angatettsüla, ta Dr. Mar-i metetdaksü. Küm nung leave paikabo agitsüla ta sorkari latetja kar, saka nübu aparaba ajanga koda masüba dak alaka aiben leave magir, ta paisa shisem.

MS-isa kol aser osettsüset indang kar lemsatepdang, Mokokchung Deputy Commissioner-i achayanga telok kar den Corporate Social Responsibility (CSR) ajanga IMDH nung nüngdakba kol/ osettsüset kar bener arutsü asoshi tang teinyakdak lir, itemji bener arutetra hospital asoshi teyari tulu asütsü. Saka tawatanü adokba kol aser oset peria liaka, itemji amshir melira kecha nüngdak mali akümtsü, anungji, oset denji nübuja sakuku tongtibang lir, ta laisa shisem.

OM ketdangsürtemi mozü kidang government supplies aruba indang asüngdangdang, "supply ji khenkenbo arur saka kanga jungabo marur", ta lai langzü. Laisa CMHS/ Ayushman Bharat insurance inyakyim indanga kar lemsatepa liasü.

Tanü iba mensem nung OM Tatong tir - Tanumayang, tongti zülur - Tiawabang Walling aser Dr. Spongmeren parnokia shilem agia jembi.

DC Kohima ajanga No Parking Zone indang metetdaksür

Dimapur, Luchii/December 05 (TYO): Ketdangsür temi tesem balala takzüa aoba sülen AIR Y-Junction nungi Gauhati High Court, Kohima Bench indang main office gate tashi lenmang ya mapa inyakba

anogo ajak nung anepdang 9:00 ako nungi nikongdang 4:00 ako tashi No Parking Zone asütsü sangdonger, ta Deputy Commissioner, Kohima, B Henok Buchem-i totuyuba ka agütsüogo.

DoSE-i PPC 2026 atema Online MCQ Competition indang metetdaksür

Dimapur, Luchii/December 05 (TYO): Ato Kilonser Narendra Modi-i kaketshir, tesayur aser tsüraburtem den sensaksemba 9 buba Pariksha Pe Charcha (PPC 2026) sentong ya January 2026 nung agitsü, ta Directorate of School Education, Nagaland, Kohima sangdong ka ajanga ashi. PPC 2026 sentong nung shilem agitsüpur shimsü atema Online Multiple-Choice Question (MCQ) Competition ka <https://innovateindia1.mygov.in/> nung December 1, 2025 nungi January 11, 2026 tashi Classes 6-12 nung azünger, tesayur aser tsüraburtem atema agitsü. Shilem agir ajak nem kulizüng kaket agütsütsü.

Iba Online Competition ajanga kaketshir, tsürabur aser tesayur

temi Ato Kilonser dang asüngdangtsüba yanglutsü.

Shimtetba tasüngdangba tem NCERT ajanga benteter sentong nung inoktsü.

Taoba mapang tasüngdangba tem asüngdanga alir tem media channels temi parnok sentong nung shilem agitsü jaoka lir. Iba ama taküm shimteter kar media den sensaksemtsü maongka angutsü.

Anungji Nagaland state kübok lapoka aliba Schools (NBSE/ CBSE/ICSE/Govt./Private) ajunga tekolak tem dang iba sentong atema osangtem prnokshia kaketshir, tesayur aser tsüraburtem Online Competition nung shilem agidaksütsü ayongzüker, ta Department sangdong ajangasa ashi.

NHBM-i 7th Honey Bee Day ayongzüka amung

Dimapur, Luchii/December 05 (TYO): Nagaland Beekeeping & Honey Mission (NBHM) ajanga NBHM's Multi Utility Center, 6th Mile Sovima, Chümoukedima nung December 5, 2025 nü "Securing the future of Honey Enterprises through financial literacy" omen nung ajemdaker 7th Nagaland Honey Bee Day ayongzüka liasü.

Sentong akhumdong Obed Quinker, Chairman, NBHM ajanga beekeepers temi bendanga agütsür inyakba aser NBHM ajanga Nagaland nung ninang mojitzü industry ajungkettsü asoshi maneni inyakba atema pelaba lemsatep.

Region nung ninang mojitzü tajungtiba adoktsüsa Nagaland arem min tajung moaja lir, ta pai ashi.

Naga nunger lanurtemi apiculture nung temulung tali agütsüba ajanga tarutsü rural entrepreneurship teimla tajung

angur ta ashi.

Quinker-i ninang metsürtem dang akhi yimya yutsür scientific yimya amshitsü ajungshi aser modern apiculture ya mojitzü agizükba atema kisüng masü saka colonies anepalua ayuba, pollination tali kumdahtsüba aser libajen wazüka ayuba indang lir ta ashi.

State nung ninang mojitzü nung ajemdaker rongsenketzüng tajung kumdahtsütsü atema NBHM temulungtetba nung lir, ta ashi. Iba sentong nung Er. Khuvozozy Vese, Deputy Team Leader, NBHM ajanga honey enterprises tashi itshtitsü atema financial literacy tongtipang lir ta ashi.

Pumgouthang, Zonal Head, ICICI Foundation ajanga o tatsüka jembi aser Longaro W. Okhyupvui-i temeja ken ka aten aser Nzambemo K. Lotha, Team Member, NBHM ajanga melepzüng o jembia liasü.

Mokokchung aser Kohima nung World Soil Day amung

Dimapur, Luchii/December 05 (TYO): District Soil Conservation Office Mokokchung ajanga Krishi Vigyan Kendra Mokokchung den lungjemer December 5, 2025 nü DSCO conference hall nung yimtsüng pongu nungi aluyimertem den World Soil Day cum Soil Health Camp ayongzüka liasü.

Iba sentong ya Ruokuosietuo, District Soil Conservation Officer Mokokchung lenisüba kübok agi aser sentong nung adenertem pelashishia agizüka liasü. Pai World Soil Day anogomung amungtsü nüngdakba indang lemsatepdang, takum alitsü asoshi ali nung ajemdaka lir asünung aluyimer aser



Mokokchung



Kohima

department tem atema iba anogo ya tongtipang lir ta ashi.

Dr. Keviletsu Khatu, Senior Scientist & Head, Krishi Vigyan Kendra, Mokokchung ajanga iba anogomung ratet indang jembidang district nung alu nung ajaki amshiba yimya ajanga ali

temu samadaktsüba indang tongmelang agi lemsatep aser taküm iba anogomung omen "Healthy soil for healthy cities" nung ajemdaker aluyimer dang district nung metsü, ayi südaktsüba mozü aser mesen tepsetba mozü mamshitsü aser

ali indang health tajungba kumdahtsütsü indang shia liasü.

Omen tali tejangjaba nung angatetdaksütsü mechi Soil in a minute video contest "One handful of hope" aser Healthy soil, healthy cities" indang video tem sayua liasü.

Kasa mapang yimtsüng pongu nungi aluyimer nem soil health cards tem lema agütsü. Iba sentong tembanga Imtisenla, ACTO Agronomy, KVK Mokokchung ajanga melepzüng o jembia liasü.

(Maneni tapak 8 nung...)

Russia-India nati rongsenketzüng tsütsü amalitepa inyaktsü: PM Modi



December 05, 2025 nü New Delhi nung Russia Tir, Vladimir Putin aser Ato kilonser Narendra Modi na senden amenba sülen osangbenertem senden nung jembidang tangokba noksa nung angur.

New Delhi, Luchii/ December 05 (Agencies): Hokolbarnü Hyderabad House, New Delhi nung Russia Tir Vladimir Putin aser Ato kilonser Narendra Modi na senden amenba sülen osangbenertem den jembidang Modi-i, India-Russia tsüingda tesendaktep indang metetdaksü aser Russia ya "North star" lir, ta tenüingsang agütsü.

Ato kilonser Modi-i, 2030 küm tashi India aser Russia nati rongsenkettzüng tsütsü amalitep inyaktsü bangjemogo, ta metetdaksü.

Ato kilonser Modi-i, "Kü medemer Putin aser linük anaprongla nungi tejaokertem, 23buba India-Russia Bilateral Summit nung adentsü atema ni Tir Putin pelashishia agizüker. Küm 25 tejaklen Tir Putin-i asenok asalentong tsütsü tesendaktep atema foundation yangluja liasü. Tesüiba küm 80 tsüingda alima nung tensa tajung-tamajung aika ajangshia aruogo. Ajisüaka India aser Russia na tsüingda tesendaktep ya 'pole star' amai lir. Iba tesendaktep ya külem akhümtsübutep aser tamang katetba nung amenoka lir. Iba tesendaktep tashi itshitsü atema tanü onoki lenla aika nung o lemtepogo," ta metetdaksü.

"Asen tesendaktep tsütsü Energy security ya tashitait tongshi ka lir, aser maneni takok angutsü atema amalitepa inyaktsü. Tesüiba küm aika asenoki civil nuclear energy atema amalitepa inyaker aser

clean energy atema shilem tajung agiogo," ta pai metetdaksü.

"Taküm October ita nung Kalmykia nung aliba International Buddhist Forum nung aikati Lord Buddha sacred relics ajanga temoatsü nguogo. Russia nunger sensotem atema onoki anogo 30 nü angati e-tourist visa aser anogo 30 nü Group Tourist Visa agütsütsü, ta ni tepela nung sangdonger," ta pai metetdaksü.

Osangbenertem senden nungji Russia Tir Putin-ia pa pelaa agizükba atema Ato kilonser Modi aser Tir, Droupadi Murmu na dang pelaba lemsatep.

Putin-i, rongsenketzüng maneni ainba India nem Russia-i maneni totzü agütsütsü, ta ashi.

"Russia nunger tejaokertem pelaa agizükba atema ni India Tir Droupadi Murmu, India Ato kilonser aser India nunger külem tenzükertem dang pelar. Yashi Ato kilonser Modi-i par kidang chiyungtsü jaokba atema ni pa dang pelar," ta Putin-i metetdaksü.

"Yaküm linük ana tsüingda shishilembaba shilem 12 agi teimba akümba ajanga otsü tasen ka yangluogo. Taküm shishilembaba dak sendakba tezüngzüktep agiba kübok maneni jenjang tajungba akümtsü ni imlar," ta pai metetdaksü.

"Sorkar anapronglai nendaka inyaktsü atema Ato kilonseri onok nem tayongzüikba kar metetdaksüogo, aser onoki

iba atemaji inyaktsü. India aser Eurasian Economic Union tsüingda Free Trade Agreement agiba ajanga tuluka yaritsü. Energy tsütsü longjemer inyakba ajanga takok tulu nguogo-India-i energy atema nüngdakba totzü, gas aser coal onoki maneni agütsütsü," ta paisa metetdaksü.

Putin-i, "India aser Russia nati mapang talangka nungi longjemer kiralongra anema raraa arudar. Kiralongrartemi Pahalgam amakba süaka Crocus City Hall amakba süaka item ama tasümaait mapa ajak teraji kasa dang lir. India nunger tangatetbaji- kiralongra ya meimchirtem anema lir aser alimai iba anema inyakbaji asen tashi tulutiba lir. India aser Russia nati United Nations, G20, BRICS, SCO aser tanga tentet balala nung amalitepa inyaker. Linük anati item tentet balala nung maneni amalitepa inyaktsü," ta metetdaksü.

"Tesüiba küm 50 tashi onoki Air Defence Forces, aviation aser Navy densema Indian Army hadir tajungba akümtsü atema yaria arudar. Tang ken o jembia telemtetba agibatem ajanga onok kanga melung asür. Tang onoki semdangba aser tezüngzüktep agibatem ajanga maneni Russia-India asalentong partnership ano tajungba dang akümtsü aser linük anaprongla tajangzüik angutsü; India aser Russia nung aliba nüburtem ajak tajangzüik angutsü," ta Russia Tirisa metetdaksü.

UNGA nung Ukraine dak sendakba bangzüng ka nung India-i vote magütsü

New Delhi, December 05 (Agencies): Russia Tir Vladimir Putin-i India semdangtsü lia UN General Assembly (UNGA) nung bangzüng ka renema Russia-i kangshia Ukraine nunger tanurtem anir aoba anentsü atema vote agütsütepa liasü, ajisüaka India-ibo vote agütsütepa nungji shilem magi.

Bodhbarnü (November 5) züingsem 193 aliba Assembly-i 'Return of Ukrainian children' ta ser bangzüng ka renema vote agütsütepa liasü. Linük 91-i iba bangzüng pusema vote agütsü, linük 12-i ibaji anema vote agütsü aser linük 57-i vote magütsü.

Vote magütsüba linük 57 nungji India, Bahrain, Bangladesh, Brazil, China, Egypt, Maldives, Nepal, Pakistan aser Sri Lanka linüktem densema lir.

Iba bangzüng ajanga Russia dang, Russia-i kangshia anir aoba

Ukraine nunger tanur ajakji tangsa meyipa yoktsüla, ta akhanger.

Kasa bangzüng ajanga Russia dang, tsüraburtem ket nungi kangshia tanurtem anir aoba, senso kümdaktsüba, 'adopt' asüba, tangar kibongtem nem agütsüba aser Ukraine nunger tanurtem nem tesayuba agütsüba anenang, ta akhanger.

"International özüng nung aliba ama kangshia tanur anir aoertem anema bushisüngdangtsü nüngdak," ta parnoki metetdaksü.

UNGA senden nung iba bangzüng benokba mapang nung Ukraine deputy Foreign Minister Mariana Betsa-i, "Taküm October ita tashi nung Ukraine nunger tanur 6,395 tashiyim amshia anir ogo. Kangshia tanur anir aoba ken o 20,000 dak tali bushisüngdangdar," ta metetdaksü.

Parliament nung Opposition-i IndiGo service thinenba onük benok

New Delhi, December 05 (Agencies): Hokolbarnü Rajya Sabha senden nung Opposition-i IndiGo tayimtsü service aika thinenba tebilemstü onük benok.

Ajioda sorkari, iba tebilemstü onük ya Civil Aviation Minister-i reprangdar, ta metetdaksü.

Rajya Sabha senden nung opposition-i tesüiba anogo ishika India tesem balala nung IndiGo tayimtsü service thinenba ajanga nüburtemi timtem ajangshiba tebilemstü onük benok.

Congress MP Pramod Tiwari-i asüngdangba langzüdang Union Minister Kiren Rijiju-i, Centre-i iba tebilemstü onük bentettsü atema Civil Aviation Minister Ram Mohan Naidu-i iba tensa asadangdar, ta metetdaksü.

Minister Rammohan Naidu-i sangdong ka ajanga, "Taruba anogo asemnü tsüingda services shidak agütsü tenzüksü onoki imlar. Telemtetba balala agia inyakba ajanga asüng (Honibar) nungibo tayimtsü service tajungba akümtsü," ta metetdaksü.

Hokolbarnüa linük densema balala nung IndiGo tayimtsü 500 shi thinenba liasü, aser ibaji ajanga passenger meyirjang aika airport nung ghonda aika amajok nung mapang indokogo. India nung senzüba tayimtsü service shilem asemi nungi shilem anasübo IndiGo tayimtsü lir.

Hokolbarnü Delhi airport-i IndiGo tayimtsü 235 shi thinenba liasü, Chennai nung tayimtsü 104 thinentstü, Bengaluru nung 102 aser Hyderabad nung 92 thinentstü.

Hokolbarnep IndiGo-i, "Tayimtsü service teimba thinentstüba anogoji tanü asütsü, kechiyong onoki system tajungba akümtsü atema nüngdakba maparen kar inyakdar. Asüng nungi tenzüka service tajungba akümtsü," ta metetdakja liasü.

Hokolbarnü Rajya Sabha nungsa Rubber Board nung züingsem ka tali shimoktsü lemtet aser Lok Sabha nunga Health Security and National Security Cess Bill, 2025 benok.

Parliament nungsa moko agi yangluba chiyungtsütem nung saru teimba akümtsü atema Bill ka agizükogo. Union Finance Minister Nirmala Sitharaman-i, GST demerit category kübok moko chiyungtsütem nung maneni saru shilem 40 agitsü, ta metetdaksü.

December 4 nü Finance Minister Nirmala Sitharaman-i Bill ka benokogo. Iba Bill ajanga pan masala yanglutsü atema amenokba machines aser tanga inyakyim balala nung saru agitsü, aser iba nungjagi sarutetbaji health & national security tashi itshitsü atema amshitsü.



Bengaluru, December 05, 2025: IndiGo-i tayimtsü 400 dak tali thinenba anogo nung Bengaluru nung aliba Kempegowda International Airport nung passenger aika aliba noksa nung angur.

AXIS BANK		AXIS Bank Ltd		Hon E-Auction asütsü atema Public Notice agütsür		
		A.C.Market, 4th Floor, 1, Shakespeare Sarani, Kolkata- 700071				
Talisa sen apurtem aser public dang ya sangdonger, Axis Bank-i tsüinglanglen shia aliba Branch nung tsüinglanglen shia aliba accounts nung pledge süa aliba hon agi yangluba osettem public auction asütsü. Tsüinglanglen shia aliba sen apurtemi ("Gold Loan Facility") kübok Axis Bank Limited dang sen apua security atema hon agi yangluba osettem Bank nem agütsü. Sen apurtem/Guarantors nem demand notice agüja sen apurtem/Guarantors dang Gold loan facility kübok agiba sentsüh agüjang ta metetdakja liasü. Sen apurtem/Guarantors-i sentsühji magütsüet, anungji bank-i hon osettemji e-auction asütsü, talisa schedule of property nung alibatemi 16-12-2025 (anogo nung) anüngdang 12.30 nungi nikongdang 3.30 ako tashi (e-auction mapang) "Kong aliar yamaji", "Koma aliar yamaji", "Yangji aliba ajak" aser "No Recourse Basis" nung ayoktsü. Sen apurtem aser sentsüh osang tejangja.						
BRANCH_RAC_NAME	Customer Name	Loan A/c No.	Amount Outstanding	Date of Demand Notice	Gross Weight Grams	Net weight grams.
DIMAPUR [NL]	MANISH JAISWAL	XXXXXXXXXX9246	42955.00	6/Nov/25	7.100	6.400
DIMAPUR [NL]	PRASANTO CHAKRABORTY	XXXXXXXXXX8518	51390.00	16/Nov/25	10.300	9.600
DIMAPUR [NL]	SUCHINTA BISWAS	XXXXXXXXXX9345	202844.00	27/Oct/25	42.300	32.100
DIMAPUR [NL]	NAJMA SULTANA	XXXXXXXXXX8316	188964.51	6/Nov/25	129.600	127.800
LHOMITHI BAZAR NL	RAKESH KUMAR SINGH	XXXXXXXXXX2579	150052.00	27/Oct/25	25.900	23.980
LHOMITHI BAZAR NL	SUMAN CHANDRA NANDI	XXXXXXXXXX5430	208290.00	27/Oct/25	37.400	34.800
LHOMITHI BAZAR NL	SANJAY DAS	XXXXXXXXXX0383	442987.00	12/Sep/25	80.500	75.400
Jelia osang memetetdaksüi accout agientsü/auction anogo melenshitsu atema Axis Bank Ltd. dak tashi lir. Auction ji online https://gold.samil.in (website of online vendor) ajanga anüngdang 12.30 ako nungi nikongdang 3.30 ako tashi agitsü (mapang). Telatetbatem aser osang tejangja atema agüja aliba website nung reprangang_https://gold.samil.in (website of online vendor)						
Date: 06.12.2025 Place: Kolkata				Authorized Officer Axis Bank LTD		



TIR YIMYIM YIMOBILEM (EDITORIAL)

DIMAPUR

KÜPTOKNÜ

LUCHII 06, 2025

Nübertem tanela nung tzürrar

Dimapur nung taoba anogo pezünü tashi Nagaland state government-i merenemtet anena ayuba State stadium nung Delhi nungi sayutsünger ka tenünger agi, Ankit Sajwan aruagi Nagaland Asentenshi aser Taneptsü sentong nung o jembiba angatsü asoshi nisung lakh junga sentepba jagi tanü Nagaland nung alir Naga nungertem tanela nung anüngerba aser tzüraba tia indang sayur. Atangji, Nagaland ya Khristan state ka lir. Aji oda, Nagaland nung Naga nungerto noklang nung shilem 95 bo Khristan asütsü. Ibayongji, taolen ajak nung kaketreju dangbo tenla ki teimba aser kiojena kaketreju aser mozü kitem dangbo tenla ki tajungba yanglua angutsü. Aji oda, amongnü dang masü saka hopta nung Bodbar aser Honibar nikongdang aser aonung sentep alir. Iba denji ano arogo shia nung küm nung khenbo tanela nung tashi itshiba asentenshi sentong ayongzüka agir. Ibaji dang masü saka arogo shia nung sannüker aser deacon-temi anir Home Evangelistic committee purtemi khena manen kibong shia sarasadem mapang agia jajar. Ajisüaka, asenok tamangertemi tamanger mesüka meliteter. Aji oda, asenok tenla kidang Tsünger o jembibaji nübang tu nung tzü shiochtsü amai dang, khenyongi, mamonger. Ashiko, tejembirtemia Tsünger o ji nisung mulungjang nung amongtsüsa jembir masü saka tanela temeshi tashi medeni ladakladaka jembiba agi tangartem mulungjang nung mamonger asütsüa akok. Aji oda, tanü putu nung asenok tenla kitem ya Tsünger o jembiba aser Tsünger külemba tesem masü saka tajungshi aser tayongzüka o jembiba aser kentenmenüba tesemang ka küma aoer amai asenoki repringtetsü. Ibayongji, yangji tanela nung anüngerba aser tzüraa alirtem anisüngzüka mangur aser tzüra matem. Joko, asenok tenla kitem yabo shi aser tanela nung taneptsü angudak masü saka yirudak tesemang ka küma odagi. Ibayongji, tenka kibo tuluba aser topur tajungba yanglur saka tamangertem tamang nung tashimaitba aser mejangraba kümadoker. Iba tensa tia ya kodang bilemdangdir, asenok tamangertem mesüra arogo nungertem ya tzüim tiyong nung tzü tajemtsü agi anünger amai shi aser tanela nung asenok timtemba asenoki metettsü. Iba ama taküm tia ka nung, asenok arogo aser asenok tenla kitemji nüngdakba purtem asoshi shi aser tanela nung taneptsü aser anisüngzüka angudak asütsü tim. Yisu alima nung aliba mapanga, Pa sülen anogo shia lokti tulu anidaka senzübaji, Pai shi aser tanela nüngdakba chiyongtsü agütsü, Pai aneptsü aser Pai nübertem nem teti taküm alitsüsa teimla agütsü. Tanü asen lima nung tamanger aser mamangertem ajaki arogo dak nungi item tajung aser teimlaji angutsü imlar. Atangji, asenok arogo nung aser tenla kidang shi aser tanela nüngdak mengutetra, arogoji kechi sütsü aser tenla kidang jagia kechi sütsü mapang endoka aotsü ? Aji oda, asenok arogo nung agütsüba Tsünger o agi tzüra matemba agi aser asenok tenla kidang taneptsü aser teimla manguba agi, tangar sayutsünger aser tangar tenla ki bushia senzür tamangertem aika kümogo. Asenoki aiben itemji aitsür, saka kodang asenoki parnok tanela nung tzüraba aser shi nung taneptsü aginüba tiaji bilemdangdir, parnokji asen mozü ki agi temulung masü tanga mozü ki tajungba bushia aoer amai asenoki angatettsü. Atangji, tanü Nagaland-i aruba sayutsünger tulu Ankit nung ama sayutsünger nung temoatsü aser taneptsü angubaji junger, saka tamanger ka asoshi tekümdangtsü kaji, sayutsünger tajung ka ajanga shi aser tanela nung taneptsü aser temoatsü khen anguba kisünger jagi kotak tonga Khristan taküm ka moutettsü. Ibaji asenok arogo temia angatettsüla aser tangar asentenshi sentong nung temulung meyipertem asütsüa akok mesüra taneptsü angurtem asütsüa akok, parnokji tamang nung tashi taitba-taitba indaktsütsü asoshi asen arogo nung aser asen tenla kidang tanela chiyongtsü shitak renema agütsütsüla. Aji oda, asen tenla kidang Tsünger o anganür tamangertem pokmaa adenshitsüla, yangji shi nung taneptsüa ngutettsüla aser aser tanela nung tzüraseta alirtem tzüratema ajemtsüsa taküm tzü angudak tesem ka asütsüla. Iba amaji ka asenoki meinyaktetra, asen kija yutsür asenok chirnurtem dena Ankit nung ama sülenjiang oa adoktsü !

OLEMSABANG

Kiyimdang sepokba hon keru ayok

Wb. Temjenzük

(Yashi adok nungi...)

Parnok alidak Kohima yimtiba nung asükwa mapang mokongbaji kanga balaka mokongteter. Tereti ia asüker! Aser teti nung temokong denji Khrista dak amangertem ajaki yongyaba Khristmas benjong küm nung khen arur. Par kibongia Khristmas atongtsübaji teyongyaba liaka, temokong tsüngkümjibo marudaktsünüisa bilema liasü. Kechiyong temokong mapang nungji par kibong ajak peria abentsüba kombol maliasü! Kanga asükba jagi tanurtem peria abendaktsürbo, tenabo tangar kin indang yimdong sü jenzük ana dena abenloker mejangasa aru. Iba tangar kin indang yimdong sü ana ya, tena kibong kümli Tsünger tenzüker Reverend kibong kati par nem angati agütsüba liasü. Aji oda mimong nung mi wanga amentsübaji par atemabo takar lipajen ka ama liasü! Nikongtsütsü chiyungkiyong tema kodang amang kümder, kidang tetsüi tangar dang meshia ayuba osang kakat tejentemji bena arur, itemji milongsang melen rongdakja mi aputeter, tanurtem tatsüka danga mimong anasa mendaktsütetbaji tuluka liasü! Tasük marem yakta mejangdak taktangi ia, pei yipten nung longtaker, amua moteter aser kodaanga kibok kisemi maor, ta aiben iba ama tia nungji par kibonglia aru.

Tenati Tsünger nem tenünger agütsüba aika rongnung, kidang tanurtemi parnok tala asüandang alo kanga chinüba atema Tsünger nem tenünger agüja aru. Iba mapang nungji parnok "oja, alo aon asangba dang chinür; kakat rijui aodang teti chitem nung alo aon dang enokjang" ta ashiba olaji tanurtem tain küma tanü tashi mamai tenati bilemteter. Kidang kenüamati alo aon den dang chiyonger sünung, kodasür par tanurtemi alo sapua aküm ta süngmanga Tsünger tenünger lia aru. Tanurtem tala asüba mapang anogshia shi ang den chiyungdaktsütsübaji par atemabo anü ita nung tushidangtsü merangdangba ama liasü! Tsünger nung khen anaben anarongtena süret ka ana alia chidaktsüba dak alaka, shi angaji pungmang ka dang kümdaktsür anogo mapang süitemdakja lia aru. Iba ama tia ka nung tanurtemi shi ang den dang chiyungnür ta masü, saka aloang kanga saputsüsa Tsünger kümdaktsüba atema, kodanga mamai anisüngzüka tulu ngua Tsünger dang pela liasü! Hauni, teti dang shi ang achibajia temang atema majung ta Sentijen aser Narola tenapronglai meteta liasü. Saka shi angaji tsürabur mapang nungi senti chiyungtsü ka ama bentshia aruba agi, kasaji tenati par tanurtem nem shi ang denji mapang aben chiyungdaktsünüa bilem saka mokoki liasü!

Künep Khristmas mongpu asüba agi Sentijeni par tanurtem shi den chiyungdaktsütsü atema ak shi süret ana alitsü atema shi ayokdaki ao. Pai bena aliba shi alitsüba senji sodi anogo nung pa ayangi aoba nungi taah anguba sen liasü. Mongpu mapang asüba agi shi ayokdakji nisung aika nongtepa liasü. Tangarbo süret 15, 10, aser ishiba agi süret pungobosa alia bena aoba angudang, pabo süret ana dang alitsübaji tera nema metangtet talangka noktaka atar, tesüsa shiji paa ataji kanga pela alir kidangi shilang. Iba küm Khristmas anepdang Tsünger par kibong nema Khristmas chiyungtsü tajung moatsüba atema, parnok ajak chiyungba langbang tala ka anasaji meküta noktaker tenünger agütsüba sarasadem agi, aser tanurtem ak shi den pelatepa tepok sünga chiyungdaktsü. Ibaji par kibong atema, iba küm Khristmas tesanem tajungtibaji liasü.

Item anogotem nungji par kiyong nungi shishidaki aotsübaji taxi nung para sen ter agiba mapang liasü. Kodangsa tena shishidaki odir tenati taxi para agütsütsü dang nungibo, para sen jagi tanurtem nemang tachitsü kar alitsüdi ta sür tetsünger agi dang jaja aru. Aji oda par kibong atema tanur anir khen khen shishidaki aodang taxi nung amenbaji maangka ulura angu ama kanga pela bilema liasü. Iba ama timtema chubayimti Kohima nung par lia arubaji tebang agi koda jembitsü! Par kibongi ajanga aruba timtem ama yabo takar yimti Kohima ama nungjibo aikabo malitsü südi! Temokong amang nung ankongbang mapang temeimtsü apuaniji totzü milen bena, sükseta kiyonger tzübu nungi tzü ataba, tanurtema khen khenbo tena sülen anitaka tzütai arudi ta asüandang, koda mesongtemi parnoka bongdang tilaji bena amang nungji anir oli ta akümüli wadang khuret bena aru. Mapang ka nung tena küt nung tanurtem kakat rijui azüngerba luli, koba ita shia agütsür, aji agütsütsüba sen maka kanga shishabulua liasü. Joko kakat rijui azüngerba luli agütsütsüba anogo mapang tatemer, saka sen aputsübabo mangur ta aliba mapang ka nung tebubai par azü ayoktsüba apitet. Par kidang azü ka tenünger agi "roxy" ta sür liasü. Iba azü ya par jalai kanga dang meimba azü ka liasü. Par ki tala ka dang süaka jalai kanga aginüba agi tetsüi kidanger dang meshitsüba azü ka liasü. Roxy ya sentsü temesünger aser tepong liasü. Joko kidang ita tenet süia metsüa arudang kiburi ashiba o tema angateta kanga ameta roxy ya intet. Par kidang jalai dang meimba masü saka kidang alir ajaki kanga meimba azü ka liasü. Tebuttsü Narolai nongnanga bilemaka tanga lenmang maliji, Sentijeni tanurtem kakat rijui or külen azüji yokatok. Jala kakat rijui shilanger azü bushidang kodang tetsüi parnok kakat rijui azüngerba luli agütsütsü atema yoktokogo, saka ano azü tajung ka yakta alitsütsü ta mesüzüka ashidang, jala temulung raksa ajeba jagi par kibong mangmanga aküm. Par azü roxy sen noklang ti agi yoktetba yong tanurtem kakat rijui azüngerba taah bo mapang menepa agütsütet, saka par kibong nungbo nisung sür mangyimba ama tepela makai mapang talang ka liasü!

(Maneni asünger adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Taküm YouVersion nung kanga sapua azüngba Laiji Isaiä 41:10 lir



December 05, 2025: Taküm YouVersion Bible App nung nisungtemi kanga sapua azüngba Lai tekongji Isaiä 41:10 liasü.

Isaiä 41:10 Lai tekong ajanga Tsüngremi Pa nüburtem den Pa teti alitsü anungji Pa dak dang metaloktsü atema ajungshiba Lai lir.

Isaiä 41:10 nung yamai zülua lir, "Nai tetsübu, kechiyong Ni nü den lir, tamataria teli, kechiyong Ni nü Tsüngrem lir. Ni na tashi itdaktsütsü; hau, Ni na yaritsü; hau, Ni na Kü temeshiba teka tajichi agi ajungkettsü."

Tesüiba küm trok tsüngda taküm agi küm pezübuba alima nung YouVersion nung nisungtemi kanga tesaputiba azüngba Lai tekongji iba Lai lir.

YouVersion tentetsang aser CEO, Bobby Gruenewald-i, "Iba Lai tekong ajanga asenoki tenüngdaktiba metetdaktsür, aser asenok kija masü ta nangzüker. Ibayongji iba Lai tekong ya temaba jenjang nung lir ta ni bilemer," ta metetdaktsü.

Paisa, "Tetsübu aser tarendak aliba lima ka nung Tsüngremi Pa asenok den lir aser asenok nem tashi agüja asenok yaritsü ta nangzükbaji ajanga nisungtemi puar. Iba osang ya kodanga tejen makümer," ta metetdaktsü.

Ano UK nung alirtemibo taküm iba App nung Lai kanga tesaputiba azüngbaji Lai tekongji Yeremia 29:11 liasü. Iba Lai tekong ajanga-a teimla agütsür. Iba Lai tekong ajanga Kibubai asenok atema sentong renemja aliba, asenok a z ü k a r u d a k t s ü t s ü , meyrutsütsü aser teimla den tarutsü tia tajung agütsütsü metetdakja lir.

2025 küm UK nung alirtemi YouVersion nung kanga sapua bushibaji "ani-belem", "tetsübu" aser "teimla" liasü.

Taküm alima nung YouVersion nung nisungtemi kanga sapua bushibaji "temeim", "tetsübu" aser "tesünep" liasü.

Taküm YouVersion-i otsü tasen ka yangluteta download asüba billion 1 jungogo.

Ano anogo ka kija nung nisung teimtibai YouVersion lapokba anogoji taküm November ita nung mezüngbuba Amongnü (November 2) liasü. Iba anogo nung nisung million 19 dak temai iba app lapoka liasü.

Taküm Easter Sunday nunga nisung million 19 jungnüai YouVersion lapoka liasü.

Gruenewald-i, nisungtemi iba app nung kanga sapua Lai azüngba ya tanela atema tzüraba temaitsü lir, ta metetdaktsü.

"Onoki alima tesem ajaklen iba ya ajangshir. Atangji metettsü atema nisungtemi tzürar. Ochi metettsü atema lenmangji Laishiba dang lir. Laishiba ya putu ka nungi putu ka tashi melentepa arur. Iba ya taküm lir aser anogo shia asen taküm den tapet," ta pai ashi.

"Item züngya ajanga nisung million aika taküm melenshiba sayur. Tsüngrem O ajanga nisungtemi teimla angur, lenmang angur aser taküm nung nukjidong jangjar," ta pai ashi.

Khristan telok balalai Asia nung yipru agi kongshirtem yarir

December 05, 2025: Tan hopta Sri Lanka, Thailand aser Malaysia linüktem nung yipru ajanga anentsüh aser tzümetsüng lendong balala nung nisung 1,100 dak tali asüba sülen Khristan relief organizations balalai yipru aser lendong balala agi kongshirtem nem teyari agütsüdar.

Tesüiba anogo aika tsüngda South aser Southeast Asia nung yipru ajanga lendong balala ataloka Indonesian island of Sumatra nung nisung 700 dak tali asü aser Sri Lanka nunga nisung 300 dak tali süogo.

Khristan melungtet telok GFA World nung Tir, putir Daniel Timotheos Yohannan-i, "Item lendong ajanga nisung million tesadang shi kongshiogo aser meyrjang aika jenshia lir. Onoki teyari agütsüba maparen tenzükogo," ta metetdaktsü.

Yohannan-isa, "Yipru agi tamajungba kongshiba tiyongtsü tesemji Sri Lanka lir. GFA partners-i lendong agi kongshiba nüburtem nem chiyungtsü agütsüba den külemi akokba tashi nungita yaridar. GFA World-i tzü tajemtsü, merükmejuba osettem aser mozü agütsüdar," ta metetdaktsü.

GFA World-isa kiojen aser Tenla kitem tanaben süshiba nung yariteptsü aser medical camp lapoka wara balala agi shirangertem yaritsü.

National Christian Evangelical Alliance of Sri Lanka-ia pastor tem aser Khristan workers 500 nem emergency packs 30,000 agütsüogo. Item packs nungji chiyungtsü, chiyungtsü takong aser hygiene supplies densema lir.

Khristan melungtet telok Caritas Australia-i sangdong

ka ajanga, parnoki diocesan centres 13 amenoka teyari agütsütsü aser ketdangsertem den amalitepa inyaktsü, ta metetdaktsü.

Convoy of Hope-ia Thailand aser Sri Lanka na nung lendong agi kongshiba nüburtem nem chiyungtsü aser hygiene kits agütsüdar.

Bodhbarnü Baptist World Aid-ia Baptist Partner aser local Baptist Arogotem den longjemer Sri Lanka aser Indonesia nung lendong agi kongshiba nüburtem nem teyari agütsütsü.

Baptist World Aid-i chiyungtsü, tzü tajemtsü, hygiene kits, süki, süochi, medical teyari aser first aid agütsütsü.

Bodhbarnü U.S. State Department-ia sangdong ka ajanga, US-i dollar sen million 2 jenjang teyari Sri Lanka nem agütsütsü, ta sangdongogo.

ANOGO ABEN TSÜNGREM DEN

Kü Timtem Bilemtettang (T.Ken 119:153-160)

Nisung shingaia o bendangdaki mouner, kuli asütsü mouner. Tai aketerji koda balaka tamajungba! Saka na tetendangba nung noktakra, na asoshi bilemtsür ka lir meteta alitsü junger. Ken züluri Kibuba den jembibaji ibai lir, "Kü tepu kümang, aser ni alangzükang: ne tenangzükba ama ni rok a asoa kümdakjangma" (t.154).

Asenok asoshi pukümer tulutibaji Tsüngrem lir. "Tsüngrem asenok den lira, shibai asenok anema arutsü?" (Rom 8:31). Hopta tsüngda asenoki timtem ajanga aotsü akok. Tangari asenok anema tiyazü osang adoktsütsü akok, jangra matemtsü tia ajurutsü akok, kechiaser asenok anemer lir. Ken ken tangari asenok mangatetba ajanga asenok anema jembitsür. Item ajakji nai tanü ajanga aotsü akok saka ne tetendangba mapang ne den Tsüngrem lir. Kodang na aser ni atitangdir, Pai bilemdanger aser asenok pu akümer.

Pai mangatettepji bentettsür. Kodang asenoki Tsüngrem dang sarasademdir aser shidir, "Kü ken o bilemdangang," Pai mapa inyaker. Pai asenok alangzüker aser kümzüker. Asenok aibelen mesüdaktsür aser tepuokdak meyutsür. Tsüngremi Pa nübur taküm timtem nungi kümzüker.

Asenok teimla samadang Tsüngremi yarir. Nai timtem ajurudang, na teimla makai akümstsü akok. Saka Tsüngremi na teyimla makaba jenjang nungi ajungketer aser Pai tashi agütsür.

Tanü kotak nung Yisui na asoshi mepishitsür. Pa ji ne kotaker Temepishitsür aser ne Temaba Putir lir. Na tatidang aser temenen nungi jenbutsü asoshi pai ne nem taochi agütsür. Saka nai temenen menara ne temepishitsür dangi nai aotsü akok. Pai ne dang tai atoktsü, merüktettsütsü aser ne ken-o nung ne pu akümstsü.

Kodang tangari na timtemdaktsüdir, Tsüngremi amshidakjang. Pai na kümzüksü aser na teimla makaba nungi temaleni ajungkettsü. Yisui na atema mepishitsütsü aser tebuai tai atoktsü.

Khristantem reshikangshiba atema US-i visa tenokdangba benoktsü

December 05, 2025: Nigeria

magütsütsü. nung Khristantem Secretary Rubio-i, alima reshikangshiba aser tamangba tesem balala nung yimsü nung yimsü temeden yimsü anema ajemdaker reshikangshiba inyakba linüktem anema United States-i visa tenokdangba balala nokdangtsü nukjidong nung US sorkari iba telemtetba ya agir, benoktsü, ta metetdaktsüogo. ta metetdaktsü.

Bodhbarnü US Secretary of State, Marco Rubio-i sangdong Nütsüng million 220 shi aliba linük, Nigeria nung Khristan ka ajanga, Nigeria nung Islamic aser Muslim nütsüng kasasa shi lir, ajisüaka iba linük nung Islamic telok balala aser ozüng alema inyakba prangpong amer telok balalai Khristantem jenti tepseter.

Immigration & Nationality Act kübok Section 212(a)(3)(C) Boko Haram teloki nung ajemdaker US-i Khristantem anema dang masü telemtetba kar arir. Tamangba saka yimsü reta mamanger yimsü temeden anema inyaktsü Muslim nungertem anema-a asoshi tetuyuba agütsürtem, inyaker.

shilem agirtem aser Taoba ita US Tir, Donald pusemertem nem US State Trump-i Nigeria nung Department-i visa magütsütsü; Khristantem reshikangshiba iba dak alia yimsü temeden nokdangtsü atema sepaitem iba anema inyakba kibong linük jagi aotsü renemang, ta züngsemtem nem-a visa tuyua liasü.

AO OSHI ANGAZÜKDAK:
TANÜ ANGAZÜKTSÜBA OJANG



Tsükrep

(v) entsü ama oset raksaba, jakrep (break by cracking)

* Ni tashi mait akümba agi entsü ana tsükrepa ajem.

Tsüksen

(v) tsük nungi jang agitettsü inyakba mapa (hulling rice)

* Akhidangbo teka agi semki nung tsüksen mapa inyaka aru.

OLONG PAITEP # 7351

1		2		3		4				
										5
6						7				
				8	9					
								10		
11			12		13				14	
15						16				
	17									

TIPLÉN

3. Mashi-i memenep
6. Teka
7. Asüküm
8. Alima nungi pila
12. Ghonda
15. Kanga tajung
16. Kanga junga mapa t
17. Memesüktep

LANGTSÜNGLEN

1. Apitet	- 5
2. Tetsü masü	- 6
3. Mapang	- 5
4. Ken atenba yimya	- 5
5. Tesem	- 4
9. Mejanga aliba züşia ali-	3
10. Kotak _ _ _ _ _	- 6
11. Taküm masü	- 4
12. Temadok	- 5
13. O tetenzük	- 5
14. Nisung aika	- 5

OLONG PAITEP # 7350 TELANGZÜBA

TIPLÉN :

1. Taa, 3. Teküm, 6. Aibelen, 7. Aut,
9. Ajizük, 10. Ojala, 11. Semer,
13. Sen, 15. Kioktsü, 17. Itsük, 18. Kar.

LANGTSÜNGLEN:

1. Tai, 2. Asensor, 3. Tanü, 4. Kua,
5. Mitsüksü, 6. Azübenshi, 8. Lah,
9. Jandkok, 12. Akok, 14. Nashi, 16. Sür.

NAI-A YA METETTER MA



Nepali nunger high-altitude specialist aser alpine guide Kami Rita Sherpa-i Guinness World Records certificate ka ngutetogo. Kami Rita Sherpa-i tenem tekolaki 42 ben tashi atuba atema iba certificate agütsü. Pai Mount Everest kolaki 31 ben tashi tutetogo.

Arishi kûm 55 tain Kami Rita ya Solukhumbu kûbok Thane nungi lir aser pa ya putiotsû nung Everest summiteer tajungtiba ta zûngshir. Kami Rita-i Mount Everest dak alia Manaslu, Lhotse, Cho Oyu aser Pakistan nung K2 tekolaki tutetogo.

Sangai Festival nung shilem agir amokmerener G-5 züngsem 3 apu

Imphal, December 5, 2025

(Agencies): Tawa Manipur
Sangai Festival 2025
amungdang shilem agir Sumang
Leela Associations aser tanga
performers amokmerenba
atema sepaitemi G-5 züngsem
asem puogo.

G-5 ta asüba nung telungpur
telok 5 dena lir aser par asem
ket nungi communication
devices 3, tashiyim agi meshiba
sen aser taitüsü kulikakettem
ngutetogo.

Par asem ya Keisham Chingkeihunba Singh, Akoijam Univers (Lukho), aser Wangkhem Malemnganba Meitei (Ingo/Ngaionba) nunger ta jangjaogo. Parnok ajak ya G-5 züngsemtem aser People's

Revolutionary Party of Kangleipak (PREPAK) nungli.
G-5 nung Kangleipak Communist Party, Kanglei Yawol Kanba Lup, People's Revolutionary Party of Kangleipak (PREPAK), PREPAK (Progressive), aser United National Liberation Front (Koireng group) dena lir.

Sangai Festival nung shilem
agir amokmerenba atema
police-i Imphal West, Imphal
East, Bishnupur, Thoubal, aser
Kakching district tem nung ken
o pungu benoka lir.

Manipur nung sobaliba
benjung aser sorkar sentongtem
anema inyaksangshirtem dak
tapet mapa invaktsü ta police-i

Sangai Festival ya outreach platform tongtipang ka lir kechiyong India aser tangalen nungi tourism dak sendakteper anidener ta Governor Ajay Kumar Bhalla-i shia liasü.

Ajisüaka, Manipur nung kin o kin tsüngda rara adokba ajanga küm sülen taküm iba benjung ayonga amung saka longsolongben maliasü, kechiyong internally displaced persons (IDPs)-i lungkak ait.

May 2023 nungi Manipur nung Meitei aser Kuki nung tsünga rara adokba ajanga nisung 260 tema takum samaogo aser nisung meyrjang aika talidak toktsür aotsüsa kümogo.

Manipur sorkari MoCA dang helicopter talila meshir

Imphal, December 5, 2025

(Agencies): Manipur sorkari
Ministry of Civil Aviation
(MoCA), Government of India
dang helicopter company tem
dang helicopter teimba amshitsü
tetuyuba agütsütsü
ayongzüikogo.

Manipur nung air services
atema inter-district takhangba lir
aser iba atema helicopter talila
nüngdaker ta sorkari ashi.

Additional Chief Secretary
(ACS-Transport & TCI),
Government of Manipur Anurag
Bajpai-i tawa tu New Delhi

MoCA Secretary den
ajurutepdang iba osang
lemsatep.

Pawan Hans aser Global Vectra Helicorp Limited (GVHL) ajanga tang helicopter kaka dang amshir ta Bajpai-i MoCA dang ashi.

Kasa lenmang atema Pawan Hans-i GVHL den sen teimba meshir aser iba RCS UDAN scheme kübok MoCA den tenangzüktep agia aliba anema lir ta paisha ashi.

GVHL indang ticket taaji
nisung ka nung Rs 2,500 shi lir

(Maneni tapak 8 nung...)

NAA-i The Great Hornbill Run 2025 ayongzük

Dimapur, Luchii/December 05 (TYO): Nagaland Athletics Association ajanga December 5, 2025 nü Regional Centre for Sporting Excellence (RCSR), Sovima, Chümoukedima nung 5 buba Nagaland 10K - The Great Hornbill Run 2025 ayongzüka liasü.

Taküm iba tetoktepba nung arishi küm telemsa aser category balala nung shilem agitsü nisung 126-i tenüng agütsü.

Iba sentong nung India kübok states balala nungi athletes tem tejangraba tulu nung shilem agia meta talanglang asemtsü jangrar tali akumba sayu.

Iba sentong ya Department of Tourism, Government of Nagaland ajanga sponsor asü aser parnok teyari nung asemtepba sentong takok ngua ayongzük.

Sentong nung Nagaland Athletics Association Treasurer, Neingulie Nakhro-i o tatsüka

jembidang shilem agir ajunga nem tenüngsang agütsür aser partners, volunteers aser teyariteper tem dang pelaba lemsatepa liasü.

Ano maneni Nagaland Athletics Association ajanga December 18, 2025 nü Nagaland Cross Country Championship

TAKOKANGURTEM : RESULT (Men)			
POSITION	ATHLETE NAME	STATE	PERFORMANCE
1 st	KAMAL KUMAR	UTTAR PRADESH	32:51.7
2 nd	NITISH KUMAR	UTTAR PRADESH	33:01.4
3 rd	KENGIMLUNGHEING	NAGALAND	34:34.7
4 th	VISHAL YADAV	UTTAR PREDESH	34:52.5
5 th	TSOLE YOKHA	NAGALAND	35:00.5
6 th	SHIANGJIU T	NAGALAND	35:07.9
7 th	KHIAMNIUNGAN PHONYEI KONYAK	NAGALAND	35:18.6
8 th	SON EONGTI	ASSAM	36:08.6
9 th	PRADIP MAHANTA	WEST BENGAL	36:55.5
10 th	CHANGSANG WONGTO S	NAGALAND	37:19.7
RESULT (Women)			
POSITION	ATHLETE NAME	STATE	PERFORMANCE
1 st	ANAMIKA DEVI	UTTAR PRADESH	39:10.0
2 nd	ANJALI PRATIDAR	MADHYA PRADESH	39:30.3
3 rd	TSUCHOI T	NAGALALAND	39:50.4
4 th	NISHA KUMARI SHAW	WEST BENGAL	42:10.5
5 th	SANGMIR TERONPI	ASSAM	43:01.4
6 th	SONGMO P	NAGALAND	44:00.1
7 th	NIANSAI T	NAGALAND	45:25.7
8 th	CHONGSOP P	NAGALAND	45:34.0
9 th	JEMIE Y	NAGALAND	48:46.0
10 th	RUTSEINUO	NAGALAND	49:12.2

BENDANGLI OSANG : Tapak 7 nungi...

Russia-i tashiyim agi Donbas...

Russia nung senden amenba sülen Moscow-i Washington nungi telangzüba agütsütsü atar, ta Kremlin-i Hokulbarnü ashi.

"Mongulbarnü jembiba nung asen külem American tenzüker nungi telangzüba atar," ta Kremlin ketdangsür Yuri Ushakov-i ashi. Putin aser Trump tsüngta jembishinütsü sentong mali aser Witkoff den senden tasen ka amentsü anogo melatet, ta paisa ashi.

US indang yimjung sentong shidakba nung tang tashi Ukraine kübok aliba Donbas tesemtem Putin nem agütsütsü liasü, saka Witkoff team-i Moscow nem iba sentong yanglushir agütsü.

Delhi semdangtsü lia India Today den sensaksem akaba mapang, Witkoff aser Trump apang Jared Kushner den jembishinü masüdang sentong tasenba pai mongu liasü, ta Putin-i ashi.

"Iba yongji onoki onük ajunga reprangtsüsa akum, iba yongji mapang talangka agi," ta Kremlin leniri ashi.

Moscow-i US sentong shilem kar magizükteter ta pai ashi. "Iba mapang onoki hai asenoki iba indang jembitsü ta shia liasü, saka onoki memulunger," ta Putin-i ashi.

Pai maginüba indang tuteta

mashi. Ajisüaka onük ana nung tangatettep kati maruteti lir - kaji Russian sepaitemi rakzükbä Ukraine nunger litsü indang tia aser kaji Ukraine asoshi security guarantees alitsü.

Putin indang senior foreign policy adviser aser Ukraine rara indang jembir tongti Yuri Ushakov-i senden menzükli rara tembangtsü atema tangatettep kati maru ta shia liasü.

Ceasefire tezüngzüktep anendaka aliba atema Ukraine-i Russia tenüng asener aser Moscow-i Ukraine nunger litsü tali rakzüksü meranger ta ashir.

Kremlin nung jembishinü akaba indang lemsatepdang, Putin-i alima indang mapang indoker, ta Ukrainian Foreign Minister Andrii Sybhia-i ashi.

Ukraine-i mapang talangka nungi tezüngzüktep agiba nung Ukraine asoshi security guarantees tejangja aser tashi tait alitsüla ta shijen shia arur.

Rara tembangtsü atema maongka shidakba lir ta alimai kanga jangja meteta lir, saka jembishibnüba den külemi Russia nem 'pressure' agütsütsüla, ta Zelenskyy-i Bodhbarnü ashi.

Geneva nung November 23 nü American delegation den jembishinü akaba mapang shidakba US yimjung sentong

ayongzüksü sentong lir. Nagaland senso ateam registration lapoka lir. Tejangrar temi NagalandAthletics.org mesüra Association indang official social media handles nungi register sütettsü, ta NAA sangdong ajanga ashi.

nung tongtipang temelenshi kar yangludaktsüogo, ta Ukraine tiri taoba hopta ashi.

Iba mapang US aser Ukrainian negotiators tem külemi sangdong ka agütsüba nung parnoki peace framework tajungba ya yangluogo ta ashi saka iba dak alia osang tejangja magütsü.

US sentong mezüngbuba nung tebilemtsü akaba lemsatepba Europe nungi ken d jembirtem taoba hopta Swiss yimti nung liasü aser parnoki Ukrainian aser US team tem den balala ajurutepa liasü.

"Security guarantees tejangja makai litsü-lika tsütsü US-i Ukraine ashiochtsütsü amai lir," ta France Tir Emmanuel Macron-i ashi.

Kasa mapang German Chancellor Friedrich Merz-ia aruya aliba anogotem Zelenskyy kanga kumdangtsüla ta ashi.

"Parnoki nüden aser asenok den asayar," ta Merz-i ashi.

Finland Tir Alexander Stubb-ia, "Asenoki Ukraine aser Volodymyr kisüng item nisungtem den metoktsütsüla," ta shia liasü.

Russia-i 2022 küm February ita nungi tashi ajak amshia Ukraine amak tenzük aser tang Ukraine litsü-lika shilem 20 shi Moscow kübok lir.

Pakistan mezüngbuba Chief of Defence Force...

'political guarantees' aser 'institutional assurances' aginüa liasü, ta osang ajanga ashir.

Nawaz Sharif ya kümsük pezü buba ato kilonser inyaktsü nükjidong lir aser CDF sangdong ya iba yimten tasa nung timtem ama ajitetet, ta party osang ka ajanga ashi. "Asim Munir ya COAS aser CDF ama küm pongu kümsük aginüra, pai Nawaz Sharif dang ato kilonser menden agütsütsü nangzüktettsüla," ta PML-N lenir osang ka ajanga ashi.

Political assurance den külemi Sharif'er kibong yagi mitkar

shimtsü aliba nunga teka amushiner ta osang ajanga ashir. Maryam Nawaz aser tebu nati par yimten mangdang nung putepa aliba ketdangsürtem tejangja jenjang nung aginer.

Nawaz Sharif aser Maryam Nawaz asoshi tarutsü nung yimten tashi ita alitsü aser Pakistan indang tashi tait military establishment atsüshiner. Asim Munir asoshi COAS aser CDF mapa inyakba ajanga mitkar aishiba yimya melenshitsü aser Pakistan indang defence aser yimtenren tajungba kuma yanglushitsü ama bilemer.

Lionel Messi indang GOAT India Tour mapang Minerva Academy tushitsü

New Delhi, Luchii/December 05 (Agencies): Minerva Academy FC indang youth team, shirnoki küm tetenzüklen Europe nung takok marok asem nguteta lir, parnok ya tan ita Lionem Messi indang 'GOAT India Tour' nung shilem ka ama Delhi semdangba mapang tushitsü.

Under-14/15 team nungi football asayar 22-i July aser August ita Europe nung tesem balala semdanga trophy asem akok - Sweden nung Gothia Cup, Denmark nung Dana Cup aser Norway nung Norway Cup.

Delhi nung Messi anenba mapang item lanur football asayartem ya alima nung football asayar mongin lia tushitsü.

Iba tetushi agütsüba sentong agiba sülen parnoki Messi den special 9-v-9 game ka asayatsü maongka angutsü akok.

Minerva Academy FC ya Ranjit Bajaj meyong aser pai ketdang asür, shiba I-League club Delhi FC kibur lir.

Scandinavian region nung asayamung tem ya alima ajunga nung lanurtem football asaya

tematiba rongnung ka ama züngshir aser Minerva Academy FC indang team, shirnok asaya 26 nung shingaia mokoki lir, parnoki goal 295 agütsü aser parnok goal ishika achi.

Iiba mapang Konthoujam Yohenba Singh-i Best Player, Gothia Cup aser Huidrom Tony-i Best Player, Dana Cup sempet ngua liasü. Parnoki South America aser Europe nungi densema lanur indang clubs balala den asaya liasü.

Messi-i India semdanga jajaba ya Kolkata nung December 13 nü tenzüksü, aser kasa nikongdang Hyderabad semdangtsü aser iba sülen December 14 nü Mumbai-i aotsü aser December 15 nü New Delhi nung tembangtsü.

GOAT Tour ya Satadru Dutta-i putitet, kong celebrity football games, kenten sentong, meet-and-greet sessions, tanur atema masterclasses aser tenüngsangba sentongtem yimti pezü nungya alitsü.

Delhi nung Messi-i Ato Kilonser Narendra Modi ajurutsü imlar.

STATE OSANG : Tapak 2 nungi...

Mokokchung aser Kohima...

Iba sülen technical sessions nung Imtilemla, ACTO Soil Conservation ajanga "Importance of soil and water conservation in improving the productivity of degraded soil" onük nung jembi aser T Amongla, Soil Conservation Assistant, DSCO Mokokchung ajanga "Importance of soil testing, soil health card in soil fertility management" onük nungi jembia liasü.

Sentong tembanga yimtsüng pongu nungi aluyimer nem bio-enriched organic manure lema agütsü, kong nisung 39 dena liasü.

Kohima : Kohima nung Directorate of Soil & Water Conservation indang Conference Hall nung December 5, 2025 nü "Healthy Soils for Healthy Cities" omen nung ajemdaker World Soil Day 2025 munga liasü.

Sentong nung Rontilo Kent, Joint Director menden liasü aser Adwalie, ASSO ajanga sentong tenzüka sarasadem.

Küm shia December 5 nü World Soil Day amungba nükjidong ya ali anema aliba tongtipang ta nüburtem nem angatetdaksütsü aser ali nungi adokba rongsen junga ketdang südaktsütsü asoshi lir.

A. S. Hovuto, Additional Director ajanga iba anogomung teratet lemsatepba mapang Soil Health Cards junga amshitsü indang jembia liasü.

2025 küm iba anogomung

omen nung kongshia jembidang, ali temu ya aluyimba aser yimdak yimtsüng atema kisüng tongtipang masü saka jila nung takum alitsü atema ola madokba gol ka lir, ta pai ashi.

Ola madoki yimtitem asoshi ali temu yagi tongtipang shilem agir, ta pai ashi.

Aluyimertem tenüng nung Mitelephe yimtsüng nungi Thepfukho-i jembidang Soil Health Cards nung ali temu scientific yimya nung tendanga ali temu indang tejangja shia aliba yong aluyimer temi pei ali nung yoktsü asoshi tajungtipa aser tapet tsünüsempongtsü shimteter, ta ashi.

Pei ali indang meteta aliba ajanga aluyimer temi züsentetba tali kumdaktsütsü asoshi telemtetba tajung agiteter, ta ashi. Iba sentong nung Renthunglo Tungoe, DSCO, Kohima ajanga Kohima district kübok yimtsüng ter dak tema nungi aluyimer nem Soil Health Cards lema agüja liasü.

Kasa mapang Natural Farming initiative kübok beneficiaries atema Soil Health Cards tem District Agriculture Officials nem amokja liasü.

Soil health aser iba dak sendakba services nung teyari nüngdakba aluyimer temi jembitsü atema toll-free number +917965192504 senzüka liasü.

Sentong tembanga Khroteu Ritse-i melepzüng o jembi aser ali wazüka ayutsü asoshi tenangzüktep agia liasü.

BILEMDANGANG

"Sen talubo amshidak lanur tajung madoker."